

საჯარო სამართლის იურიდიული პირი -

ბათუმის შოთა რუსთაველის სახელმწიფო უნივერსიტეტი

ბრძანება N 01-02/203

ქ. ბათუმი

16 აგვისტო, 2022 წელი

ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ მსმენელთა (პირველი ნაკადი) მიღების გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, „პროფესიული განათლების შესახებ“ საქართველოს კანონის, ბსუ-ს წესდების მე-13 მუხლის, „ბსუ-ს პროფესიული მომზადების და პროფესიული გადამზადების პროგრამების შემუშავებისა და განხორციელების წესის დამტკიცების შესახებ“ ბსუ-ს რექტორის 2019 წლის 05 დეკემბრის N01-02/202 ბრძანების, „ბსუ-ს პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის მექანიზმების დამტკიცების შესახებ“ ბსუ-ს რექტორის 2019 წლის 29 ნოემბრის N 01-02/198 ბრძანების, „ბსუ-ს პროფესიული განათლების მიმართულებით პროფესიული გადამზადების პროგრამის „ლაბორატორიული ჯანმრთელობა და უსაფრთხოება“ დამტკიცების შესახებ“ ბსუ-ს რექტორის 2022 წლის 02 მარტის N01-02/59 ბრძანების, „სსიპ - ბათუმის შოთა რუსთაველის სახელმწიფო უნივერსიტეტისათვის „ლაბორატორიული ჯანმრთელობა და უსაფრთხოება“ პროფესიული გადამზადების პროგრამის განხორციელების უფლების მინიჭების შესახებ“ პროფესიული მომზადების/პროფესიული გადამზადების პროგრამების განხორციელების უფლების მიმნიჭებელი საბჭოს 2022 წლის 27 მაისის MES 0220000548815 გადაწყვეტილების, ევროკავშირის მხარდაჭერით მიმდინარე საგრანტო პროექტთან „ლაბორატორიული ჯანმრთელობის და უსაფრთხოების უწყვეტი განათლების (LLL) კურსები ახალგაზრდებისთვის აღმოსავლეთ და დასავლეთ საქართველოში (საგრანტო ხელშეკრულება ENI/2020/417-316) კოორდინატორის ნინო ინასარიძის წერილის (ბსუ-ში შემოსვლის N808316; 15.07.2022), „ბსუ-ს პროფესიული გადამზადების პროგრამის „ლაბორატორიული ჯანმრთელობა და უსაფრთხოება“ პირველი 50 მსმენელისათვის განხორციელებისათვის გასატარებელი ღონისძიებების შესახებ“ ბსუ-ს წარმომადგენლობითი საბჭოს 2022 წლის 19 ივლისის N07-01/40 გადაწყვეტილების და ბსუ-ს პროფესიული პროგრამების მართვისა და უწყვეტი განათლების ცენტრის სასწავლო პროცესის მართვის მენეჯერის 2022 წლის 15 ივლისის N808517 და 19 ივლისის N816320 სამსახურებრივი ბარათების საფუძველზე,

ვ ბ რ ძ ა ნ ე ბ:

1. გამოცხადდეს მსმენელთა მიღება (პირველ ნაკადზე - 10 მსმენელი, სწავლის დაწყება - 2022 წლის 1 სექტემბერი) ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ წინამდებარე ბრძანების N1 დანართის შესაბამისად.
2. პროფესიული გადამზადების პროგრამაზე სწავლის მსურველთა რეგისტრაცია განხორციელდეს 2022 წლის 18 აგვისტოდან 20 აგვისტოს ჩათვლით, ელექტრონულად, შემდეგ მისამართზე - <http://vet.emis.ge> (რეგისტრაციასთან დაკავშირებულ საკითხზე

- კონსულტაციისათვის დაინტერესებულმა პირებმა დაუკავშირდნენ ბსუ-ს პროფესიული პროგრამების მართვისა და უწყვეტი განათლების ცენტრს, ცხელი ხაზი: 577-49-19-39).
3. ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ რეგისტრირებულმა აპლიკანტებმა ელექტორულ ფოსტაზე: vocational@bsu.edu.ge 2022 წლის 21 აგვისტოდან 22 აგვისტოს ჩათვლით უნდა წარმოადგინონ:
 - ა) პირადობის დამადასტურებელი მოწმობის ასლი;
 - ბ) განათლების დამადასტურებელი დოკუმენტის ასლი;
 4. განისაზღვროს დადგენილ ვადაში დარეგისტრირებულ აპლიკანტთა შეფასების (გასაუბრების და გამოცდის (ტესტირება)) ადგილი და თარიღი წინამდებარე ბრძანების №2 დანართის შესაბამისად.
 5. ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ აპლიკანტთა შეფასებისა (გასაუბრება და ტესტირება) და შეფასების პროცესის ადმინისტრირების მიზნით შეიქმნას კომისია შემდეგი შემადგენლობით:
 - ა) პროფესიული პროგრამების მართვისა და უწყვეტი განათლების ცენტრის დირექტორი მადონა მიქელაძე (კომისიის თავმჯდომარე);
 - ბ) ბსუ-ს საბუნებისმეტყველო მეცნიერებათა ფაკულტეტის პროფესორი რუსუდან ხუხუნაიშვილი;
 - გ) ბსუ-ს საბუნებისმეტყველო მეცნიერებათა ფაკულტეტის პროფესორი და ამავე ფაკულტეტის დეკანი მარინა ქორიძე;
 - დ) ბსუ-ს საბუნებისმეტყველო მეცნიერებათა ფაკულტეტის ასოცირებული პროფესორი და ამავე ფაკულტეტის ხარისხის უზრუნველყოფის სამსახურის უფროსი თეა ქოიავა;
 - ე) პროფესიული პროგრამების მართვისა და უწყვეტი განათლების ცენტრის სასწავლო პროცესის მართვის მენეჯერი მამუკა გოგელია.
 6. ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ ჩარიცხვის უფლებამოსულებმა პირმა ცენტრის ადმინისტრაციულ შენობაში (ქ. ბათუმი, ლეონიძის ქ. N15, მე-3 სართული, ოთახი N303) 2022 წლის 29 აგვისტოდან 30 აგვისტოს ჩათვლით უნდა წარმოადგინოს მატერიალური სახით შემდეგი დოკუმენტები:
 - ა) განცხადება ბსუ-ს რექტორის სახელზე, პროგრამაზე ჩარიცხვის თაობაზე;
 - ბ) პირადობის დამადასტურებელი მოწმობის ასლი (დედანთან ერთად);
 - გ) ფოტოსურათი (3X4);
 - დ) პროფესიული გადამზადების პროგრამით - „ლაბორატორიული ჯანმრთელობა და უსაფრთხოება“ განსაზღვრული წინარე განათლების დამადასტურებელი დოკუმენტის ნოტარიულად დამოწმებული ასლი (ბსუ-ს კურსდამთავრებულის შემთხვევაში უმაღლესი განათლების დამადასტურებელი დიპლომის ასლი, ბსუ-ს გერბიანი ბეჭდით დამოწმებული);
 - ე) სამხედრო აღრიცხვაზე ყოფნის დამადასტურებელი დოკუმენტის ასლი (სამხედრო აღრიცხვას დაქვემდებარებული პირებისათვის);
 - ვ) ხელშეკრულება საგანმანათლებლო მომსახურების შესახებ (გაფორმდება ცენტრში, აპლიკანტის მიერ ზემოაღნიშნული პირადი დოკუმენტაციის წარმოდგენის შემდეგ).
 7. ბსუ-ს პროფესიული პროგრამების მართვისა და უწყვეტი განათლების ცენტრმა უზრუნველყოს ბსუ-ს ვებგვერდზე და სოციალურ ქსელში ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ მიღების გამოცხადების შესახებ ინფორმაციის განთავსება, ასევე მსურველთა (აპლიკანტთა) რეგისტრაციის პროცესში მათი მხარდაჭერა და საქართველოს კანონმდებლობით განსაზღვრული მოთხოვნების შესრულება.

8. ბრძანება განთავსდეს ბსუ-ს ვებგვერდზე (ველში - „განცხადებები“ და „პროფესიული პროგრამების მართვისა და უწყვეტი განათლების ცენტრი“, ასევე „რექტორის ბრძანებები“) და გამოქვეყნდეს ბსუ-ს ფაკულტეტებისა და საქმისწარმოების სამსახურთან (კანცელარია) არსებულ საინფორმაციო დაფებზე.
9. ბრძანება გასაცნობად და აღსასრულებლად დაეგზავნოს ბსუ-ს რექტორის მოადგილეებს, ადმინისტრაციის ხელმძღვანელს, ბსუ-ს პროფესიული პროგრამების მართვისა და უწყვეტი განათლების ცენტრს, ფაკულტეტებს, საზოგადოებასთან ურთიერთობისა სამსახურს, საინფორმაციო ტექნოლოგიების სამსახურს და იურიდიულ დეპარტამენტს.
10. ბრძანება ძალაშია ხელმოწერისთანავე.
11. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

რექტორი, პროფესორი

 მერაბ ხალვაში

„ბსუ-ს პროფესიული გადაჭმადების პროგრამაზე „ლაბორატორიული ჯანმრთელობა და უსაფრთხოება“ მსმენელი (პირველი ნაკადი) მიღების გამოცხადების შესახებ“ ბსუ-ს რექტორის

2022 წლის 16 აგვისტო N01-02/203 ბრძანების

დანართი N1

პროგრამის კოდი	პროფესიული გადაჭმადების პროგრამის დასახელება	ეროვნული კვალიფიკაციების ჩარჩოს დონე	სწავლების ხანგრძლივობა (კვირებში)	სწავლების ხანგრძლივობა (საათებში)	მისაღები მსმენელების რაოდენობა პირველ ნაკადზე	სასწავლო პროცესის ვადები - პირველი ნაკადის მსმენელებისათვის
01346	ლაბორატორიული ჯანმრთელობა და უსაფრთხოება	მე-5	4	60 (კვირაში 15 სთ)	10	01.09.2022-24.09.2022

ბსუ-ს რექტორის 2022 წლის 02 მარტის N01-02/59 ბრძანებით დამტკიცებული „ბსუ-ს პროფესიული განათლების მიმართულებით პროფესიული გადაჭმადების პროგრამაზე „ლაბორატორიული ჯანმრთელობა და უსაფრთხოება“

დაშვების წინაპირობებია:

აბლიკანტთა შერჩევის ფორმა: გასაუბრება (ონლაინ) და გამოცდა (ტესტირება)

აპლიკანტი/პროგრამის გავლის მსურველი უნდა ფლობდეს:

ჩამოთვლილი აკადემიური ხარისხიდან/პროფესიული კვალიფიკაციიდან ერთ-ერთს:

ბაკალავრის აკადემიურ ხარისხი საბუნებისმეტყველო, სიცოცხლის უმსწავლელი, გამოყენებითი ბიომეცნიერების, ბიოტექნოლოგიის, გარემოს დაცვის, აგრარული, სოფლის მეურნეობის, მედიცინის და საზოგადოებრივი ჯანდაცვის, ფარმაცვის, ფარმაკოლოგიის მიმართულლებით

ან/და ლაბორატორიულ საქმიანობასთან დაკავშირებულ პროფესიულ კვალიფიკაციას შემდეგი მიმართულებით: ნივთიერებისა და მასალების ქიმიური ანალიზის ლაბორანტი; ქიმიური და სასურსათო პროდუქტების ექსპერტი; ქიმიური და კვების მრეწველობის

უსაფრთხოების სპეციალისტი; ქიმიური წარმოების სპეციალისტი; ფარმაცევტული პრეპარატების წარმოების სპეციალისტი; სამედიცინო და ფარმაცევტულ მოწყობილობათა ოპერატორი; ფარმაცია და ფარმაციის თანამშემწე; ვეტერინარული მომსახურების სპეციალისტი. -

პროგრამის მიზნები:

პროგრამის შექმნის მიზანია ლაბორატორიული მომსახურების დარგის ახალგაზრდა პროფესიონალითა კომპეტენციების გაძლიერებისა და დასაქმების ხელშეწყობა ლაბორატორიული ჯანმრთელობისა და უსაფრთხოების სფეროში უწყვეტი პროფესიული განათლების განვითარების გზით. პროგრამის ძირითადი ამოცანაა გადაამზადოს ლაბორატორიული სფეროს სპეციალისტები ადამიანისა და გარემოს უსაფრთხოების წესებისა და ნორმების დაცვის მიმართულებით კომპეტენციებისა და ცოდნის გაძლიერების გზით ეროვნული და საერთაშორისო სტანდარტების შესაბამისად.

სწავლის შედეგები (რომელიც აღინიშნება ცოდნით ან/და უნარით ან/და კომპეტენციით)

1. ბიოლოგიური, ქიმიური, ფიზიკურ/რადიოლოგიური საფრთხეების, შესაბამისი რისკების განსაზღვრის, შეფასების და მართვის პრინციპების ცოდნა;
2. სპეციფიკურ გარემოში ლაბორატორიაში უსაფრთხოების წესების დაცვით მუშაობა;
3. საფრთხის შემცველი მასალის შეფუთვა და ტრანსპორტირება, ნარჩენების მართვა და დეკონტამინაცია; გადაუდებელ შემთხვევებში (ადამიანური ფაქტორით გამოწვეული ან ბუნებრივი კატასტროფები/უბედური შემთხვევები; ტექნიკური გაუმართაობა) შრომის უსაფრთხოების უზრუნველყოფა.

პროგრამის მოკლე აღწერა:

გადამზადების პროგრამის ფარგლებში მსმენელი გაეცნობა ლაბორატორიული უსაფრთხოებისა და პერსონალის ჯანმრთელობის პრაქტიკულ კურსს, რაც მოიცავს საფრთხეების იდენტიფიცირებას, რისკების განსაზღვრას და შეფასებას, ლაბორატორიაში უსაფრთხოოდ მუშაობის პრინციპების გაცნობას, უსაფრთხოების დონეების გაცნობას, დეზინფექცია/დეკონტამინაციის და ნარჩენების მართვის პრინციპებს, ინდივიდუალური დაცვის საშუალებებს. მსმენელს ექნება საშუალება პრაქტიკული და სიმულაციური სავარჯიშოების საშუალებებით გაიმყაროს მიღებული ცოდნა ინდივიდუალური დაცვის საშუალებების გამოყენების, ინციდენტის დროს რეაგირების, დეკონტამინაციის და ნარჩენების განკარგვის შესახებ.

პრაქტიკული სავარჯიშოების ფორმატი უზრუნველყოფს მსმენელთა გუნდში მუშაობისთვის საჭირო და საკუთარ საქმიანობაზე პასუხისმგებლობის აღების უნარების გაუმჯობესებას. სასწავლო პროცესი წარმართება მაღალკვალიფიცირებული პერსონალის

ჩართულობით თანამედროვე მატერიალურ-ტექნიკური ბაზით აღჭურვილ სასწავლო აუდიტორიუმში. პროფესიული გადაწყვეტილების პროგრამის მოცულობა შეადგენს 60 სთ, რომელიც ხორციელდება 4 კვირის განმავლობაში (კვირაში - 15 სთ, 3 დღე).

მსმენელის შეფასება ითვალისწინებს: 1) განმავითარებელ შეფასებას - ხორციელდება როგორც ქულების, ასევე ჩათვლის პრინციპის გამოყენებით და ტარდება სწავლების პარალელურად; 2) განმსაზღვრელი შეფასება ითვალისწინებს ორი ტიპის შეფასებას: ა) სწავლის შედეგი დადასტურდა; ბ) სწავლის შედეგი ვერ დადასტურდა. განმსაზღვრელი შეფასება ხორციელდება მე-4 კვირაში. შეფასებისას უარყოფითი შედეგის მიღების შემთხვევაში მსმენელს უფლება აქვს მოითხოვოს სწავლის შედეგების მიღწევის დამატებითი შეფასება, მაქსიმუმ ერთხელ.

პროგრამის დასრულების შემდეგ გაიცემა სახელმწიფოს მიერ აღიარებული სერტიფიკატი და შესაბამისი დანართით.

„ბსუ-ს პროფესიული გადამზადების პროგრამაზე „ლაბორატორიული ჯანმრთელობა და უსაფრთხოება“ მსმენელთა (პირველი ნაკადი) მიღების გამოცხადების შესახებ“ ბსუ-ს რექტორის 2022 წლის 16 აგვისტო N01-02/203 ბრძანების

დანართი N2

პროგრამის კოდი	პროფესიული გადამზადების პროგრამის დასახელება	პროფესიული ჯანმრთელობა და უსაფრთხოება	აპლიკანტის შეფასების ფორმატი	შეფასების თარიღი და დრო	შეფასების ადგილი	შეფასების კრიტერიუმები	
						მაქსიმალური ქულა	მინიმალური კომპეტენციის ზღვარი
01346			გასაუბრება	24.08.2022- 25.08.2022 11სთ-დან	Zoom პლატფორმა - https://bsu-edu-ge.zoom.us/j/5713900633	100	51
			გამოცდა	27.08.2022 12:00 სთ	ქ. ბათუმი, ბსუ-ს III კორპუსი, ნინოშვილის/რუსთაველის 35/32; აუდიტორია N328; მე-3 სართული);	20	11